

M025

श्रीविद्याधरी - विजयेश्वरीस्थान

संक्षिप्त-परिचय



चवमि-

हेमराज शाक्य

श्रीविद्याधरी - विजयेश्वरीस्थान

संक्षिप्त-परिचय

चवमि-

हेमराज शाक्य

प्रकाशक-

विजयेश्वरी महाविहार-सुधार समिति




नेपाल सम्बत् १०६८

बुद्ध सम्बत् २५२२

विक्रम सम्बत् २०३५

प्रथम संस्करण १०००

व्याक्व अधिकार च्चमियाके



थाकू:-

संकटा प्रेस ६/५३४,

टेवहाल येँ ।

चवमिया थःगु खँ

प्रस्तुत पुस्तिका श्रीविद्याधरीदेवी विजयेश्वरीया भिनिदँया मेला 'रङ्गाधिवासन लँपुई छायागु' गुगू समारोह जुयाच्चंगु खः, उगु लसताच्चवयागु जुल । थुगु पुस्तिका चवयगु लागि श्रीविजयेश्वरी महाविहार-सुधार कमिटिया अध्यक्ष श्रीदयावीर सिंह कँसाकारजुयागु अनुरोध कथँ वसपोल श्रीविद्याधरी माँयागु प्रति श्रद्धाँ प्रेरित जुया जक चवयागु जुल ।

थुगु सफू हथासँ चवय्माःगु जुया गनँ द्रंगु दतसा विज्ञपाठकपिगु सुभाव सहर्ष स्वागत याना चवना ।

वसपोल माँ प्रज्ञापारमिता श्रीविद्याधरीयागु गुणवर्णन-प्रशंसा जिथें जाह्य अज्ञानि चवय्फईगु खँ मखु । अथेनं थःगु अल्पबुद्धिचाछि थुगु पुस्तिका चवयागु कुशलमूलद्वारा दिशा भिगु बखत स्वंगु मङ्गल सुख प्राप्त जुय्मा । अस्तु ।

हेमराज शाक्य

यल, महाबुद्ध थैना

जोथावाहाल ।

१०६८ तिलाव्रत

विषय-सूची

१) श्रीविद्याधरीदेवी उत्पत्ति कथा व ध्वया प्राचीनता ;	१
२) प्यह्य जोगिनी स्थापना उद्देश्य	७
३) विजयेश्वरी विहारया वर्तमान स्वरूप	११
४) विजयेश्वरी विहारस च्वंगु प्रस्तर मूर्तित	१७
५) विजयेश्वरी स्थानया शिलाभिलेख	२३
६) श्रीविद्याधरीदेवीया ध्यान गाथा	२८
७) " स्तोत्र	२८
८) " चर्यागीत	३०
९) " दाफा में	३१
१०) यें देया वहीया विवरण सूची	३२

श्री विद्याधरीदेवी उत्पत्ति कथा व श्रवया प्राचीनता

पाञ्चालदेशस्य अतिकं सःस्यूह्य वज्रपाद धइह्य पण्डित छह्य
दइचवन । थुह्य पण्डित महाविचक्षण, चतुषष्ठी विद्या सःह्य सकल
गुणज्ञानया निधि जुया महाविज्ञ जुयाचवंह्य । तर, थ्वं न्ह्यागू यासानं
यानायानागु ज्याय् गुबलें छुं जशकीर्ति कायफूगु मखु । थुह्य पण्डितं
स्यना कनातःपि अनेक शिष्यपिन्सं वनावना चवनाचवना थास जश-
कीर्ति कया लोकजनपिगु स्वागतसत्कार कयाचवन । थुह्य पण्डितं
स्यनाकनाथाय् पूर्णं जुइथे चवनेव विघ्नमार वया शिष्यपि परस्परय्
ल्वापुजुया अपजश जक जुइका सिरपा काय् मफया न्हिया न्हिथं मने
चिन्ता जुइकाचवन ।

हा ! हे भगवन् ! जिगु जन्म धिक्कार । थुलिमछि शास्त्र-
विद्या, तन्त्र, मन्त्र आदि चतुषष्ठी विद्या सय्का पण्डित धाय्का चवना !
उकिसं कर्पिन्तनं उतिकं स्यनेकने याना मेपिसं यायमफूगु अनेक
चमत्कार वयना चवना । गुलिखे अज्ञानि लोकजनपिन्तनं ज्ञानदान
विइधुन, तथापि जिगु गुण ह्यसिइका जश व्यूगु मखु, भन उल्टा अपजश
पण्डित धाय्का चवनेमाल । जि स्यनाकना तयापि शिष्यपिन्सं धासा

आपालं जशलाना व पण्डित धाय्का प्रसाद कया स्वागतस्त्कार याका च्वन । जितःधासां सुनानं नांतकं कागु मखु । जि गनहे ल्याखय मवन, अपमान जुइका च्वना । थुजापि अविवेकी लोकजनपि वाम यानाच्चंगु देशय् च्वनाया छु प्रयोजन ? धका मतिइ चिन्तना याना दिवदार जुया थःगु देश तोता वन । नयत्वने लागि भिक्षा फोफों देशदेशान्तर चाहूँ नेपाले थ्यंक वल ।

नेपाः थ्यसेंलि अति शोभायमान जुयाच्चंगु ज्योतिरूप श्रीस्वयम्भू भगवान्यात यानंनिसें खना नमस्कार याना कथहनं स्वयम्भू भगवान्या अग्रस थ्यंका स्वचा चाहुला पञ्चोपचार पूजायाना व थननं व्वहाँ- वया निर्मलतीर्थस थ्यंकवल । थुगु तीर्थस्थानया शान्तवातावरण खना पण्डितं जुलसां विचा यात- अहो ! पवित्रगु स्थान श्रीस्वयम्भू ज्योतिरूपया न्ह्योने थुजागु आनन्ददायकगु तीर्थ केशावती कुसुमावती संगम जुयाच्चंगु पुण्यक्षेत्र जुल । थुजागु उत्तमगु तीर्थस्थलयात तोता गनवने, आवंलि जिनं थुगु तीर्थे च्वना तपस्या याना पाप शुद्धयानालि अष्टसिद्धि लाय् । थुलि मनं भाःपा न्हिनिस्ते स्नानयाना फियागु चिवाहा दय्कालि लिसें उपलाल नागराजया मूर्तिनं दय्का पूजायाना जप, तप, ध्यान याना श्रीत्रिरत्नया सेवा भाव भक्ति यासे प्रदक्षिणा यानाच्चन । हानं थनंलि कर्णदीप श्मशाने च्वना न्हियान्हियं ओंग- लसिहल्य् श्रीप्रज्ञापारमितायागु मन्त्र च्वया तीर्थे चुइका श्रीविद्याधरी देवीया मन्त्रजपयाना एकचित्तं थुगु श्मशानय् पुरश्चरण च्वनाच्चन ।

थुगु प्रकारं पण्डित वज्रपादं खुदँतक तपस्या याय् धुसेंलि थ्वैगु निश्चय भावभक्ति खना वस्पोल श्रीविद्याधरीदेवीनं जुलसां दर्शन विया आकाशवाणी जुल-

‘भो वज्रपाद ! छँगु श्रद्धाभक्ति खना जि अत्यन्त प्रसन्न जुइधुन ’ थुलिधया थःगु रूपया दर्शन विल । गुजागु रूप धालसा-

अत्यन्त जाज्वल्यमानं तेजप्रकाशयाना धालपतिस्वां थें निर्मल रक्तवर्ण
 पुया, स्वंग मिखा कना, जःगुल्हातं वज्रज्वना खःगुल्लातं अमृतपूर्ण
 कपालपात्र ज्वना जःगुतुति यलखुसे ह्यालापचिया चवका द्वलच्छिहः
 दइच्चंगु पलेस्वाया मूलस चुया व खःगु तुतिया पालि आकाशय्
 थःछ्वया खःगु ल्लातं खःगु तुति धय्पुना, स्वंगः मिखां आकाशय् थस्वया
 मुसुहूँ न्हिला. व धालेगुलिथें जाःगु दन्तपंक्ति प्रदर्शितयाना जगत्स-
 सारयाके महाकरुणा तसें सम्यक्सम्बोधिज्ञानरूपी विशालनेत्र प्रकाश
 याना व नरमुण्डमाला, रत्नमणिमणिकय मालां ववस्वाया, सुवर्णया
 तिलहिलंतिसे, अनेकरत्न जडेयातःगु पंचबुद्धमूर्ति अंकितगु सुवर्णया
 जटामुकूटं पुया, विविधरत्नया हारमालांतिसे, कोटिसूर्यया रश्मि प्रकाश,
 याना सिधिनी, व्यांधिनी जःखः तया जटाफिजेयाना दर्शन विया विज्यात ।^१

अकस्मात् थुजागु दिव्य सुन्दरी श्रीपरमेश्वरी विद्याधरीमा स्वरूप
 दर्शन प्राप्त जूगुलि हथासं दनालि अनेक प्रकारं जप, पाठ, पूजा एवं
 प्रदक्षिणादि भावभक्तियाना ल्हाः निपां विन्तियाना आकाशे थस्वया
 स्तुति यात—

जयजय देवासुरनरसेवाचितपदपद्माकुसुमविचित्रा ।

जयजय मंदारकुसुममाला जयजय संसारजलधिपारा ।१।

जयजय . हंसामृतपर वंशाकुलिकरोटे कर कल एते ।

मुकूटविराजे शिरसि मुनीशे मणिमयकुण्डलोल्लसितभुजंगे ।२।

^१ थ्व दर्शन प्राप्त जूगु दिन खः पौष शुक्ल षष्ठी आदित्यबार मकर संक्रान्ति
 चूलागु खुन्हू । अर्कि थ्व निर्मलतीर्थया मेलानं उगु जोगे स्नान याय्गु अत्यन्त
 उत्तम जू धका स्वयम्भू पुराणे पृ. २६५ स उल्लेख याना तःगु जुल—

पौषशुक्ले च षष्ठ्याञ्च मकरे रविवासरे । भद्रनद्यां केशावत्यां पुष्पवत्यां
 विशेषतः । निर्मलाख्येऽपि तीर्थे च त्रिवेणिसङ्गमे इव । विधिना स्नान दानं च कृतं
 च मानवादयः । एकाग्रचित्ते यः स्नानं करोति तीर्थनिर्मले । कलिमलानि नश्यन्ति
 प्राप्नोति विपुलां श्रियम् ।

जयजय विद्याधरि शुभकारि उरशि भुजंगाधिपमणिमाला ।
जयजय वैरोचनि वरदेहे कटितटसंवेष्ठितशुभधण्डे ॥३॥
जयजय वीरेश्वरि भवहारि मणिविलसन्नूपुरलसदंघ्रि ।
करकसुपुष्पारूणशतवर्णा तडिश्युक्ताधिकद्युतिरचितासे ॥४॥
जयजय दुर्गजननि भवानि जननजराह्नुनिधनसपत्ने ।
षडधिकत्रिंशाक्षरमनुमाले प्रलयनिसंगोत्सृजननिदाने ॥५॥
कुसुमविचित्रां पठति य एतां लभति यशस्यः कृतजनवश्यः ।
निगमसुसारः सकलरहस्यो भवजलधेः पारकृदपवर्गे ॥६॥

भो जयजय देवदैत्य मनुष्य गणपिंसं विचित्रगु स्वां छाया पूजा
याःगु चरणकमल जुया विज्याह्य, जयजय मंदारस्वांमा क्वखाया
विज्याह्य, जयजय संसार समुद्रं पारजुया विज्याह्य, जयजय श्री सूर्यचन्द्र
तःधंगु वंशजुया विज्याह्य, वज्र व पात्र ह्लातं ज्वना विज्याह्य, तथागत
विराजमानगु मुकूटं पुया विज्याह्य, सर्पयागु मणिमययागु कुण्डलं उज्वलगु
न्हैपं जुया विज्याह्य । जय जय विद्याधरी शुभकल्याण याना विज्याह्य,
नुगपाच्य सर्पया मणिमाला क्वखाया विज्याह्य । जय जय वैरोचनि,
उत्तमगु शरीरजुया विज्याह्य, जें भिंगु गंधानागु जभीनं तिया विज्याह्य ।
जय जय वीरेश्वरी संसारे जन्म जुईम्वाका विज्याह्य, मणिरत्न भल्केजूगु
शोभादुगु चरण जुया विज्याह्य । धालपतिस्वां सच्छिह्य सूर्य वर्ण जुया
विज्याह्य, विजुलियासिकं उज्वलगु तेज जुया विज्याह्य । जय जय
हे दुर्गे ! हे जननि !! हे भवानि !!! जन्म जरा मृत्यु व्याधिया शत्रु जुया
विज्याह्य, सुईखुगः आखः या मंत्रमाला जुया विज्याह्य, सृष्टि स्थिति
प्रलय याना विज्याह्य । छः पिनि जय जय ॥

थ्व कुसुमविचित्रस्तोत्र गुह्यसैं श्रद्धापूर्वक व्वनी, वईत जशकीर्ति
लाभ दया सकलजन दश्य जुई, वेदया सार जुयाच्वंगु, सकलया रहस्य
जुयाच्वंगु संसारसागरं पारजुया मोक्षपद प्राप्त जुई ।

हे परमेश्वरी, हे माता, हे विद्याधरी, हे जोगिनी, हे बुद्धजननी,
हे प्रज्ञापारमिता, हे गुह्यमाता, हे जगन्माता ! छलपोलया चरणस
कोटि कोटि जिगु नमस्कार । हे जगतव्यापिनी ! जिथें जाह्य पापीष्टया
उपरे करुणातया जितः दर्शन बिया बिज्यात । हे माता ! हे महा-
लक्ष्मी ! धन्य धन्य जिगु भाग्य, थौं छलपोलथें जाह्य जोगिनीया
दर्शन याय् खना, जि अत्यन्त कृतार्थ जुया । हे उग्रतारा ! आः
जितः वरदान मेगु मखु कि हे जगन्माता ! जितः अपजश नाश याना
निर्मल सुयशकीर्ति प्राप्त यानालि अष्टसिद्धिवर सुप्रसन्न जुया विज्याहूँ ।

वज्रपाद पण्डितयागु थुलि प्रार्थना न्यना श्री विद्याधरीदेवीं आज्ञा
दयकल- भो वत्स वज्रपाद ! छें यागु तपस्यां जि सन्तुष्ट जुइधुन ।
छन्त अष्टसिद्धि वरदान बिइधुंगु जुल । थुगु थासे छथेंतु श्रद्धाभक्ति
तइपि भक्तजनपिनिगु निम्ति सदांया लागि जिगु अंश स्थापना यानागु
दु । भो वज्रपाद ! थुगु जिगु प्रतिमायात गुह्य श्रद्धालु भक्तजनं
छंयागु थेंतु थुगु तीर्थे स्नानयाया श्री त्रिरत्नया सेवाभक्ति यानालि
जितः अनुस्मरण याइ, पूजाभाव याइ उम्हेसित निश्चयनं अष्टसिद्धि
फल लाभ जुइगु जुल । आ छ थःगु देशय् लिहांवना शास्त्र गुणज्ञान
प्रकाश याना लोकपिन्त बोधयाना त्रिरत्नभक्तिस जोजलपा बोधि-
चर्याव्रत धारणयाना चवनेगु स्व । थुलि धयालि वसपोल श्री विद्याधरी
अन्तर्ध्यान जुया सिद्ध जुयावन ।

थुगु थाय् थौया अदर्यापि श्री विद्याधरीदेवी नामं प्रसिद्ध जुया
चवन । थनलि वज्रपाद पण्डितं श्री विद्याधरीदेवीया प्रसाद जसपद
अष्टसिद्धि लानालि थननं अत्यन्त हर्ष जुयाव गोपुच्छ पर्वतय् थहांवना
श्री स्वयम्भू ज्योतिरूप भगवाऱ्यात दर्शन, पूजन व प्रदक्षिण यानालि
हर्षपूर्वक थःगु देशेतुं लिहांवन ।

कुशलपूर्वक थःगु देशे लिथ्यसेलि सकल थःथिति इष्टमित्र एवं
शिष्यपि सकलें वया कुशलवार्ता यावया चवन । श्री विद्याधरी देवीयागु

प्रसादं अष्टसिद्धि जशपद लागुलि न्हापा स्वया वीर्य उत्साह जूगुलि
हानं न्हापाथें सकल शिष्यपि मुंका अनेक पुराण स्मृति आदि शास्त्र
शास्त्रान्तर्गत धर्मकथा कना सकल लोकजनं धन्य धन्य धाय्का स्वा-
गतस्त्कार याका अनेक प्रकारया उपहार सिरपाः कया सकसिनं
प्रशंसा याका परम आनन्दं सद्धर्मनं दिन हनाच्वन जुल ।

श्वसपोल जोगिनीपि बाह्यरूपं आर्यतारा, गुह्यरूपं प्रज्ञापारमिता
एवं अभ्यन्तररूपं वज्रयोगिनीयागु तत्त्वपाखें विभिन्न रूप जुया दर्शन
बिया बिज्यापि विभिन्न बौद्धदेवीपिगु नामे विभिन्न सिद्ध, आचार्य,
योगिजनपिन्सं थःथःगु श्रद्धाभक्ति प्रेरित जुया उद्गार प्वका थकूगु
चर्यागीति (चचा) उदाहरणया लागि निगु प्यंगु नामावली थन
प्रसंगवस प्रस्तुत याना च्वना । थुकिं स्पष्टयागु दु प्रमाणित जूगु । दु
नेपाले जोगिनीदेवीयागु प्राचीनता एवं परम्परागत विषयः-

देवीया नाँ	चर्यागीतया नाँ	रचनाकार
श्री वज्रवाराही	मायाचक्रस्थिता	श्री सिद्धिनागार्जुन
श्री वारुणीदेवी	कुम्भनील	श्री परमाद्यवज्र
श्री उग्रतारादेवी	उलङ्गाभरण	श्री अमोघवज्र
श्री चण्डालीडोम्बी	गौरीचौरी	श्री ,,
श्री वज्रवाराही	उदिताचल	श्री पवनपरिगुरु
श्री खण्डलोहादेवी	खण्डलोहापात्र	श्री चन्द्रवज्र
श्री डाकिनीदेवी	डाकिनीपात्र	श्री ,,
श्री जोगिनी	निजंभुव	श्री चण्डाली
श्री वसुंधरादेवी	वँभव	श्री संघसयरा आचार्य
श्री विद्याधरी	रक्तवसुदेहा	श्री रत्नवज्र
श्री वज्रयोगिनी	सर्वबुद्ध	श्री कर्णपादसिद्ध
श्री वज्रवाराही	हाडाभरण	श्री लीलावज्र आचार्य
श्री विद्याधरी	चियंविश्व	श्री अमृतानन्द पण्डित
श्री वज्रवाराही	जयंवाछली	श्री सुरतवज्र आचार्य



वज्रवाराही



विद्याधरी



वज्रजोगिनी



खड्गजोगिनी

प्यह्म जोगिनी छथासँ च्वंगुया उद्देश्य

निर्मलतीर्थया लिकसँ च्वंगु नीलगिरी पर्वतस विराजित वसपोल श्रीविद्याधरी (विजयेश्वरी माँ) उत्पत्ति जूगु कारण संक्षिप्तरूपं च्वये धुंगु जुल । गुलिसिनं धायफु थुगु नीलगिरी पर्वतस मेमेगु थासेयें छह्म छह्मजक जोगिनी मखु गथे कि थुगु तीर्थस केशावती, कुसुमावती एवं भद्रमती स्वंगु तीर्थ संगम जुया निर्मल तीर्थ धैगु संज्ञा जुल । अथेहे—मणि जोगिनी, वज्रजोगिनी, वज्रवाराही नैरात्मादेवीया दथुस वसपोल श्री विद्याधरी माँ संगम जूगु जुया श्री विजयेश्वरी स्थान धैगु नाम प्रसिद्ध जुया च्वन ।

नेपाया जोगिनी इतिहासकथं प्यह्म जोगिनी अति प्रसिद्ध जुयाच्वंगु दु । नेपालदेश श्री सम्बरमण्डलाकार जूगुलि थुपि प्यह्म जोगिनीनं नेपादे संरक्षण व भक्तजन उद्धार याय्त युगयुगंनिसें भीगु न्ह्योने सुप्रतिष्ठित जुयाच्वंगु जुल । प्यह्म जोगिनी सुसु धासा—

पूर्वस— मणि जोगिनी (खड्ग जोगिनी) बोधिसत्व मणिचूडराजाया भक्तिभाव दुकया दर्शन बिया बिज्याह्म । थ्वसपोल सक्वदेशस बिज्याना च्वन ।

दक्षिणस— वज्रयोगिनी (आकाश जोगिनी) ओदियानाचार्यया भक्तिभाव

खना प्रसन्न जुया बिज्याह्य । थ्वसपोल फॅपि देशस बिज्याना
च्वन ।

पश्चिमस- विद्याधरी जोगिनी (विजयेश्वरी) थ्वसपोल वज्रपाद पण्डितया
श्रद्धाभक्तियाकें सुप्रसन्न जुया बिज्याह्य । थ्वसपोल यें देश
निर्मलतीर्थ नीलगिरि पर्वतस च्वंह्य ।

उत्तरस- नैरात्माजोगिनी (गुह्येश्वरी) थ्वसपोल बोधिसत्व मञ्जुश्रीया
श्रद्धा भक्तियाकें शान्तक्रोध निगुरूप जुया दर्शन बिया
बिज्याह्य । थ्वसपोल ग्वलदेश मृगस्थलीवनस बिज्याह्य ।

नेपायागु थःगुहे इतिहास व सँस्कृतिकथं अथवा परम्परागत
धारणकथं बिचाः याय्बले थुगु किसिमं प्यह्य जोगिनी अलग अलग
छगु छगु थासे निर्देशनयाना क्यनातःसां थुगु विजयेश्वरी महाविहार
नीलगिरी पर्वते धासा थुपि प्यह्य जोगिनीनं छथासँतुं लानाच्वंगु दु ।
तर, थुकिया रहस्य अथवा मतलव छु ख ? धैगु विषय कया नं
छत्वाचा खँ प्रसंगवस न्ह्यथने, थ्वहे विहारया पूजारि गुरुजुपिंगु घापु
अनुसार—

छन्हु वसपोल श्री हेरुक संवर व श्री विद्याधरीदेवीया बिचे
थुजागु खँ प्रश्नोत्तर जुलकि थ्व संसार निर्वाणचक्रे 'प्रज्ञा उपाय'
अर्थात् 'स्त्री पुरुष' थुपिं निहामध्ये सु तधे ? थ्व खँ न्यना प्रज्ञादेवी
विद्याधरीं धाल- संसारनिर्वाण चक्रे स्त्रीजाति मिसात हे तधे । थ्व
खँ न्यना हेरुकसम्बर नं आज्ञा जुल- पुरुषजाति मिजँतहे तधे , धैगु
विषय कया आपालं वादविवाद यायां यक्व समय विते जुल ।

अले अन्ते वया थ्व खँ जुलकि, भी भी शास्त्रार्थ याना गुबलें
फोचाईमखु, पूवनी मखु । संसारे न्ह्याह्यसियां थःथःगु सिद्धान्त आदर्शयात
दकले सकले तधे धाइगुला स्वाभाविक हे खः । आः थथे परस्परे
वादविवाद याना च्वनेगु स्वयानं छुं छुं ऋद्धिप्रदर्शन चमत्कार क्यनेमाल

घयालि निहसिया बिजे सुलाकासा हितेगु खं जुल । निहसिनि स्वीकार
यात । ह्यापालाक विद्याधरी मुलेधका बना सरासर विईनिमालं लुकुबिना
बना मुई निभाले च्वना मुलाच्चन । हेरुक सम्बर विद्याधरी मुलाच्चंगु
थाय् मातुमामां वबले ह्याउँ निभाले मुलाच्चंगु खंकल, वनाच्चतन तेज
याना ज्वनाहल । थथे जुसेलि विद्याधरी मुलेगु पाः सिधेका हेरुकसम्बर
अन्तर्धान जुयावना जोगिनीया ट्वांगय् दुनेसन्तु च्वना मुलाच्चन ।

श्री हेरुक सम्बरयात खंकेलागि, लुईके लागि, प्राप्तिया लागि छह्य
जोगिनीया प्यंगु रूप जुया थुजागु किसिमं मात्तुमाला जुल कि-

मणिजोगिनी (खड्ग जोगिनी) नं घोर जंगले बना मावन ।
वज्रवाराही वराहया रूप कया भूगर्भे दुमे रसातल पाताले बना मावन ।
वज्रजोगिनीं जक गगनमण्डल शून्यलोक आकाश, आकाश इमामण्डः
कया मात्तुमालनं गनं खंके मफुत ।

थथे जुसेली वज्रजोगिनी नं पाताले छपला आकाशे छपला तया
विक्रान्त रूप जुया क्रोध मूर्ति याना च्वंगु खना करुणातया वज्रजोगिनीया
हे खट्वांगयाकें वसपोल श्री हेरुक सम्बर पिहांवया दर्शन बिल ।

जि गनं मावने माःगु मदु, छंकेसंतु च्वना च्वनागु दु । छं ह्यापालाक
थःकेनि गन गुथाय् दुधका मालाः मसोसे उखें थुखें तीन त्रिभुवने
बना माला जुयाच्चन । ह्यापालाक थःन थमंनि माला स्वयमा, खंकेमा
धका थुलि घयालि निहसिया परस्परे खं बोध जुल, शंका समाधान जुल ।

थुगुकथं थः स्वामि श्री हेरुक सम्बर थःह्यं धारण याना तयागु
खट्वांगेसंतु प्राप्त जूगुलि थुपि तहकयें हें प्यह्य जोगिनी छथासंतु च्वना
श्री विद्याधरीदेवी अत्यन्त हर्ष आनन्दं विभोर जुया आकाशे च्वना प्याखें
हुला कयनाच्चंगु गुगू घटना खः, उकी यागु हे संस्मरण कथं निर्देशन कथं

विजयेश्वरी स्थानया वर्तमान स्वरूप

जम्बुद्वीपया मूलगु पुण्यभूमि सुन्दर शान्त विशाल नेपाल देशया हृदयङ्गसस्थल केन्द्रविन्दुथें जुयाच्वंगु व्यापार श्रीलक्ष्मी प्रधानगु खड्गाकार रूपे परिणत जुयाच्वंगु काष्ठमण्डप कान्तिपुर महानगर खः । थ्वहे कान्तिपुर महानगरया न्ह्याथसँ सोसां खने दयाच्वंगु अतिकं भव्य व उज्ज्वल जुयाच्वंगु नेपालया चूडामणि सर्वबुद्ध महामुकूट श्री स्वयम्भू महाचैत्य जुल । श्री स्वयम्भू महाचैत्य विराजित गोपुच्छगिरी पर्वत स्यंगूबनया न्ह्योनेसँ लाना च्वंगु श्री विद्याधरीदेवी (विजयेश्वरी) सुप्रतिष्ठित जुयाच्वंगु नीलगिरी पर्वत जुल ।

वसपोल श्री विद्याधरी (विजयेश्वरी) मां विज्यानाच्वंगु नीलगिरी पर्वत अत्यन्त पवित्र व उच्चस्थाने लानाच्वंगु दु । छाया धासा थ्वहे नीलगिरी पर्वतया न्ह्योनेपाखे-भद्रमती, केशावती संगम जुयाच्वंगु त्रिवेणी निर्मल तीर्थ (विष्णुमती) न्ह्याना च्वंगु दु । थन हे निर्मल तीर्थस प्रागैतिहासिक इले वज्रपादपण्डितं स्नान दानयाना अनेक तपस्या यागु पुण्यानुभावं वसपोल श्रीविद्याधरी देवी दर्शन लाना अष्टसिद्धि प्राप्त जुया निर्मल जशकीर्ति लागु थाय् धका प्रसिद्ध जुयाच्वंगु थ्वहे नीलगिरी पर्वतयात स्थानीय जनभासँ विलासः पाः-धकानं धाइ । कारण वज्रविलासिनीदेवी

(श्रीविद्याधरी) सिद्ध जुया विज्यागु स्थान जूया निर्मित । थन निर्मलतीर्थया घातैनिसें कया वसपोल विद्याधरी माँ बिज्यानाच्वंगु विद्येश्वरी महाविहार (विलासःबही) या मूलुखा थ्यंक श्रद्धालुभक्तजनपिन्सं लोहत्वाथः तया बांलाक ज्याछिंक दय्का तःगु दु । थ्वहे लोहत्वाथःया दकले सकले च्वय् प्रवेशद्वारया जःखः निखें पर्वत् गयाच्वंह्य सिंह तया शोभावृद्धि याना तल । हानं थ्वहे त्वाथःया जःखः बचाहंगु चौतराथें दय्का अन धर्मधातुजिनालंकृत चैत्य स्थापना याना तल । थ्वहे मूत्वाथःया जःखः चौतरालिकसं दक्षिण, उत्तरपाखे स्वया थहाँ वहाँ जुइगु न्ह्योनेच्वंगु त्वाथःथें याना दय्का तइतःगु दु । धाय्कि—थ्व नीलगिरी पर्वत विलासःपा गय्तः स्वखें स्वपुहे त्वाथः तयातःगुनं छगू रहस्य सुलाच्वंगु दु । थुकिया आशय थ्व खने दुकि—वसपोल माँ प्रज्ञापारमिता—श्रीविद्याधरी-वज्रयोगिनी धालसां श्रावक, प्रत्येक एवं महायान स्वंगुयाने च्वैपिन्तनं निर्वाणया लँपु क्यना अनुत्तरवरसिद्धि विया विज्याह्य खःधैगु भावनाकथं मिलेयाना तःगु जुई । स्वंगुयानया साधक पिनिनं मोक्षमार्गया आश्रय शरणस्थान आखिर वसपोल माँ प्रज्ञापारमिता-विद्याधरी वज्रयोगिनी हे सः धका निर्विवाद सिद्धयाना तःगु दुः—

बुद्धैः प्रत्येकबुद्धैश्च श्रावकैश्च निसेविता ।

मार्गत्वमेका मोक्षस्य नास्त्यन्य इति निश्चयः ।

थ्वहे विलासःपाः ववसँ अतिकं प्रसिद्धगु करवीर श्मशान दु । थ्व श्मशानयात तिब्बती इतिहासे 'रामडोली श्मशान' धयातल । थनहे च्वना गुरु पद्मसम्भवनं वसपोल विद्याधरी माँ याके अनुत्तरसिद्धि काय् निर्मित श्मशानयोग चर्या याना विज्यागु सिद्ध भूमि धकानं धाइ ।

नीलगिरी पर्वतया जः पाखे—सूर्यविनायक, जम्बल कुवेर व बाल-सरस्वतीया मूर्ति स्थापना याना तःगु दु । थुगु सूर्यविनायक च्वसँ

उष्णीष विजयया मूर्ति सहितगु चीघराफले दयकातःगु प्राकृतिक तथा मानवीय प्रकोपयाकें विनष्ट जुसेलि थ्वहे विजयेश्वरी विहार मुघार समिति मेगुकथं दयका ह्वापास्वया बल्लाक ज्याधिक जनमेवा निम्ति प्रस्तुत यागु दु । थ्व सूर्यविनायकया न्ह्योनेपाखें विजयेश्वरी दर्शन यावईपिगु लागि छपु लें खुले जुयाच्चंगु नं मदुगु मखु ।

नीलगिरीपर्वतया ल्यूनेपाखे—श्री स्वयम्भू महाचैत्य पाखे स्वया वनेगु लँपु खुले जुया च्वन । थ्वहे विलासः बहीया ल्यूनेसँ बचाहंगु ख्यः छगु नं दु । थनहे छगु साधारणगु ढिस्को दु, थ्वहे ढिस्कोया च्चकाय्लाक वज्रघातु चैत्य छगः नं स्थापना याना तल । थ्वहे चिवाहाया न्ह्योनेसँ श्रीस्वयम्भू महाचैत्य दर्शनयाना च्वंहा प्रस्तरमय विशाल पद्मपाणि लोकेश्वर छहा गम्भीर मुद्रायाना दनाच्चंगु दु । थनहे छत्रशैली नितपौ दुगु इष्टदेवताया १७ गू शदीया देगः छगः नं दयकातःगु खने दु । थ्वया लिक लिकसं यात्रुपिनिगु सुबिधाया लागि पाटीपौवा व बुंगा नं खनेदु ।

नीलगिरीपर्वतया खः पाखे—श्रीस्वयम्भू महाचैत्ययात स्वया प्रार्थना याना च्वंहा षडक्षरी लोकेश्वरया छगू भव्य मूर्ति बाँलाक सुरक्षित याना तःगु दु । थ्वहे लोकेश्वरया न्ह्योनेपाखे नं छपु त्वाथःया व्यवस्था यानातःगु दु । थ्वहे त्वाथलं श्रीशोभाभगवती, विष्णुमती, भद्रमती एवं करवीर श्मशान वनेज्यू । थ्वहे करवीर श्मशानया लिकसं छगु भव्यगु कैलास-परिवार शिवपार्वतीया मूर्ति नं स्थापना याना तःगु जुल । करवीर श्मशानया लिकसं स्यंगुपाखें न्ह्याना वईच्चंगु भद्रमती खुसि थःगु गति प्रवाह जुयाच्चंगु दु । थ्वया नापनापं पूर्वाभिमुख श्रीशोभाभगवती विराजमान जुयाच्चन । थ्व शोभाभगवतीया फुसे बौद्धचैत्य स्थापना यानातल । थुगु चैत्यया विषये बुढापाकु तय्गु थुजागु धारणा दु कि—शंकराचार्य वया बुद्धधर्म प्रति अपालं अन्याय यागु स्वेमफया थ्वहे चैत्य-पाखें उग्ररूपी श्रीशोभाभगवती प्रकट जूगु खः । गुलिसिनं थथेनं धागु दु—

थुहा भगवती तस्सकं हारां जूगुलिं वईगु क्रोध व अभिमान शान्त याय्त
 थ्वया फुसेलाक शान्ति व महाकरुणाया प्रतीक चैत्य स्थापना याना
 न्यूगु धाई । थ्वहे कारणां थ्व थासे वज्राचार्यपि पूजारि जुया च्वंगु
 परम्परागतं क्यना च्वंगु दु ।

थुजा थुजागु देवस्थल, तीर्थयाकें चाहुलाच्वंगु रमणीय स्थल प्रसिद्ध
 ऐतिहासिक नीलगिरी पर्वतया उच्चस्थाने निर्मित जुयाच्वंगु विद्येश्वरी
 महाविहार खः ।

थुगु विहारयात मूःवाहाया रूपे ल्या मखासे बहीविहारया रूपे
 मानेयाना वइच्वंगु खः । खास थुगु विहारया स्थापत्यकला निर्माण-
 शैलीनं स्पष्ट नक्सां धयाच्वंगु दुकि-बहीद्यः (गन्धुरीदेवता) च्वनाच्वंगु
 पश्चिमलङ् छद्या बाहेक मेगु स्वखेरसं खुलारूपे दलान कओ स्वकओ
 स्वकओ याना गुकओ दलानकओ तयातःगु दु । थ्वया च्वसं च्वसं बरण्डा
 खुलेयाना चाहुले जिइक दयकातःगु जुल । तर, मेमेगु बहीयागु अध्ययनकथं
 विचाः याय्बले थुकी छगु थःगु विशेषता खने दुकि-बरण्डाय् छचाखेलं
 तिकइया तया दथुइ स्वपाइया छपा छपा तया क्वछु इयार्थे याना
 शोभावृद्धि यानातःगु दु । अज थ्व स्वयानं विशेष विलक्षण खने
 दयाच्वंगु छ धासा गनहे वही व बाहाले थथे पश्चिम उत्तरया कुने
 वाय्व्यकुलां पाखे देगः दयका तःगु खने मदु । मेमेगु बही, बाहा स्वया नं
 थनयागु मुख्य विशेषता व गौरव थ्वहे खः धासां अपो जुईमखु ।

थ्व नीलगिरी पर्वतस दयकातःगु विहारया वास्तविक नां छु खः,
 धैगु विषये छकनं विचा याना स्वय्—

शिलालेखया आधारकथं विचाः याय्बले श्री विद्येश्वरी महाविहार,
 धका च्वयातल । हानं वसपोल श्रीविद्याधरी माँया पूजारी गुरुजुपिंगु
 धापु अनुसार—‘नीलकूट पर्वत—श्रीधर्मचक्रमहा विहार’—धका नित्यपूजा

याइबले संकल्पवाक्य व्वना वया च्वंगु खनेदु । मेगुकथं बाहापूजा वनीगु
घलपौ अनुसार घासा इतलंखु पारावर्तमहाविहार (अर्खुवही) नाप घनिष्ठ
सम्बन्ध जूगुलिनं थुगु विहारयात 'विजलंखु पारावर्त महाविहार' धायगु
याना वइच्चन । थुगु किसिमं छगु विहारया स्वंगू नां खने दुगु
मेमेगु वही विहारे गनं उपलब्ध जूगु खने मदु घासां अत्युक्ति जुइमखु ।
श्व विलासः बहीयात उपर्युक्त नां स्वंगुलि उपयुक्त हे जू धैगु सिद्ध
जू ओ । कारण छायघासा वसपोल मां प्रज्ञापारमिता श्रीविद्याया
ईश्वरी विद्याधरी विराजमान जूगुलि 'श्रीविद्येश्वरी महाविहार' धका
नाम प्रख्यात याना बिल । हानं मेगु अर्थे गुम्हेसिनं द्वादश प्रतीत्य-
समुत्पादज्ञानयात ह्यँ सिई, उह्येसिनं धर्मयात खनि, गुम्हेसिनं धर्मयात
बांलाक ह्यसिइके फइ, वं निसन्देह साक्षात् बुद्धयात खंके फइ धका
आर्यशालिस्तम्भ सूत्रे कनातल । वहे आदर्श अनुरूप तन्त्र वज्रयानो
आचार्यपिन्सं श्व विचाः यागु दु—गुगू धर्म खः वहे प्रज्ञापारमिता,
साक्षात् विद्या आलोक प्राप्त जुइबले विशुद्ध धर्मधातु ज्ञान दर्शन प्राप्त
जुई । श्वहे विशुद्ध धर्मधातु ज्ञान लाभ जूगुयाकें चतुर्काय चतुरानन्द
स्वरूपी वसपोल चतुर्योगिनीयागु भूमि प्राप्त जुईबले स्वभावतः तन्त्र-
वज्रयानयागु धर्मचक्र जुयाच्चंगु खनि । श्वहे कारणहे जुईफु द्वादशाङ्ग
प्रतीत्य समुत्पादया दिव्य प्रतीकया अर्थे अर्थात् लुमन्तिकथं थुगु बहिलि
प्यंगः प्यंगः स्वभो याना भिनिगः चैत्य प्रस्थापना याना धर्मचक्र महा-
विहारयात लोगु किसिमं भावना मिले याना तःगु जुल ।

- १) जलहर्षोपरि जिनालंकृत चैत्य
- २) वज्रधातु चैत्य
- ३) ज्वालावलि चैत्य
- ४) जलहर्षोपरी जिनालंकृतचैत्य
- ५) धर्मधातु "
- ६) जलहर्षोपरी "

- ७) जलहयोपरी
 ८) कूटागार चैत्य
 ९) ज्वालावली चैत्य
 १०) रम्यकूटागार चैत्य
 ११) रम्यकूटागार
 १२) ज्वालावली

थुगु द्वादशचैत्यया भोले मलाःगु अलग मेगु अशोकचिवाहा छगःनं
 दु । अज थुलिजक मखु श्रीविद्याधरी देवीया सर्वप्रधान साधक,
 साधकीया रूपे थुगु बहीद्योया जः खः मञ्जुश्री व सरस्वती स्थापना
 याना श्रीविद्येश्वरी महाविहारया नाम सार्थक याना व्यूगु बु ।



विजयेश्वरी विहारया दुने फलेच्वंगु प्रस्तर मूर्तितः-

पश्चिमलङ्ग्या फले च्वंगु

१. महामञ्जुश्री- छपाखा प्यकाह्ला धारणयासे वज्रपर्यक
आसन यानाच्वंह्य । खड्ग, पुस्तक, शर, धनुष
ज्वना च्वंह्य । अनुमानित १६ गूगु शदीया
नाप ईञ्च २७३×१८
२. सरस्वतीदेवी- वीणा व सफू, जापमाला ज्वना ललितासन
याना च्वंह्य १६ गूगु शदीया मूर्ति । नाप ईञ्च
२६×२०
३. विसुंभाजुया शालिक- प्रार्थनामुद्रास च्वनाच्वंह्य १६ गूगु शदीया
मूर्ति । नाप ईञ्च १६३×११३
४. चिकतिमेजुया शालिक- प्रार्थनामुद्रास च्वनाच्वंह्य १६ गूगु शदीया
मूर्ति । नाप ईञ्च १६×११
५. नारायण- छपाखा प्यकाह्ला स्थानासनयासे दनाच्वंह्य
१६ गूगु शदीया मूर्ति । नाप ईञ्च २७×१६

६. अक्षोभ्यबुद्ध-

भूस्पर्शमुद्रायाना वज्रासनयानाच्चवंगु १८ गूगु
शदीया मूर्ति । नाप ईञ्च ६३ × ५

७. वज्रबीरमहाकाल-

वज्रकर्तिकपालपात्र ज्वना दनाच्चवंगु १८ गूगु
शदीया मूर्ति । नाप ईञ्च १२३ × ७३

उत्तरलङ्का फलेच्चंगु

१. षट्भुज शुक्लतारा-

स्वपाखा खुकाल्ला धारणयासे वज्रपर्यंक
आसनयाना वरद, कमलपुष्प, अभय, अक्षमाला
व शर, धनुष ज्वनाच्चवंगु १८ गूगु शदीया
मूर्ति । श्वया नाप ईञ्च १५३ × १२

२. पद्मपाणिलोकेश्वर-

जःगुल्लातं वरदमुद्रायाम् खःगुल्लातं पलेस्वाँ
ज्वना दनाच्चवंगु १८ गूगु शदीया मूर्ति । नाप
ईञ्च २८ × १८

३. लुंया तिकिइया-

सुवर्णतोरण लिसे नागच्छत्र दइच्चंगु थुगु
इयाक्वसँ क्वपयले विन्दुपात्रोपरी आभरणयुक्त
खड्ग अंकित प्रस्तर कलाकृति सजेयानातःगु
दु । श्वया जःखः सिधिनी व्यांघिनी सहित
यानातल । १८ गूगु शदीया नाप ईञ्च ३८ × १४

४. भविष्यव्याकरणमुद्रा बुद्ध-

जःगुल्लातं वरदमुद्रायाना खःगुल्लाति
भविष्य व्याकरण मुद्रा यानाच्चवंगु १६ शदीया
नाप ईञ्च ४५ × १५

५. सिधिनी-

आलीढासनयाना कर्तिपात्र धारण यानाच्चवंगु
१७ गूगु शदीया मूर्ति । नाप ईञ्च ३० × १५

६. व्यांघिनी-

प्रत्यालीढासन " " "

पूर्वतङ्काफले महांकाछेली चंवु

१. शालीपुत्र भिक्षु- शिलाङ्कु पिण्डपात्रज्वना दनाच्वंह १८ गू
शदीया मूर्ति । नाप ईञ्च २६×१३
२. अमिताभबुद्ध- ध्यानमुद्रा यासे वज्रासन यानाच्वंह १६ गू
शदी, नाप ईञ्च १३×१०
३. अक्षयोभ्यबुद्ध- भूमिस्पर्श मुद्रायाना वज्रासन यानाच्वंह १७
गू शदी, नाप ईञ्च ११×६
४. धर्मचक्रमुद्रा शाक्यमुनि- धर्मचक्र प्रवर्तनयासे वज्रासन यानाच्वंह १६
गू शदी नापईञ्च १७ $\frac{१}{२}$ ×११ $\frac{१}{२}$ थ्वया सिंहा-
सनस हरिश्चक्र अंकित यानातःगु दु ।
५. गङ्गादेवी- सिंहमू ज्वना स्थानासनयाना दनाच्वंह १८
गू शदी, नाप ईञ्च ६×६
६. वज्रवीरमहाकाल- वज्रकर्तिपात्र ज्वना दनाच्वंह १७ गू शदी,
नाप ईञ्च २८×१६
७. वज्रवीरमहाकाल- १७ गू शदी नाप ईञ्च १८×१२
८. सप्तलोचनीतारा- वज्रपर्यङ्क आसनयाना वरदाभय मुद्रायाना
च्वंह १७ गू शदी, नाप ईञ्च ८×५ $\frac{१}{२}$
९. शिवपार्वती- पार्वती घयपुना आलिढासन याना च्वंह १८
गू शदी, नाप ईञ्च १७ $\frac{१}{२}$ ×११
१०. शिवपार्वती- २० गू शदी, नाप ईञ्च १३×८ $\frac{१}{२}$
११. गणेश- सत्त्वपर्यङ्क आसनयासे प्यकाह्ला धारणयासे

लै लड्डु ज्वनाच्चंहा १६ गूगु शदी, नाप ईञ्च
१६ × १३

११. षडक्षरी लोकेश्वर- कृताञ्जलिमुद्रायाना जपमा व पलेस्वाँ ज्वना
वज्रपर्यंक आसन यानाच्चंहा १८ गू शदी, नाप
ईञ्च १६ × १३, थ्वया आसने तारा व तोरणे
चैत्य अंकित यानातःगु दु ।

दक्षिणलङ्ग्या फले च्वंगु

१. वज्रवीरमहाकाल- आलीढासनयाना वज्रकर्तिपात्र ज्वनाच्चंहा
१७ गू शदी, नाप ईञ्च २६ × १६½

२. नारायण- चतुर्भुज पद्मासनस्थित १८ गू शदी, नाप ईञ्च
१३ × ८

३. वज्रवीरमहाकाल- स्थानासनयासे वज्रकर्ति पात्र ज्वनाच्चंहा १७
गू शदी, नाप ईञ्च ३४ × १७

बहीद्यःया दुने च्वंगु मूर्तितः

१. अक्षोभ्य तथागत- भूस्पर्शमुद्रा याना सिंहासनया द्योने बिज्याना
च्चंहा, बहीद्यःया रूपे प्रतिष्ठायाना तःहा ।
अनुमानित १७ गूगु शदीया मूर्ति । थ्व द्योया
आसने च्वंगु चन्द्रमण्डलया अनुमान कथं थुगु
मूर्ति अति जीर्णशीर्ण जुसेली वर्तमान शिला-
मय मूर्ति दय्का तयाव्यूगु जुइ फु ।

२. चण्डमहारोषण- अवनिनीजानुपदासन याना खड्ग पाश ज्वना
च्चंहा क्रोधमूर्ति । थुगु मूर्ति ने. सं. ६६४ साल
भाद्र शुदी अष्टमीस सिनुग्वदाल कःमिननिया
चिगधी थापितं तयातःगु मूर्ति ।

३. अक्षोभ्य तथागत— थुजागु मूर्ति निगु दु तधिह्य व चिईधिह्य
याना । थ्व नं १७ व १८ गू शदी पाखे निर्मित
जुगु ।

४. अमिताभ तथागत— ध्यानमुद्रायाना वज्रासनयाना च्वंहा । १८ गू
शदीया मूर्ति ।

५. रत्नसम्भव तथागत— वरदमुद्रायाना वज्रासन याना च्वंहा । १८
गू शदीया मूर्ति ।

६. षडक्षरी लोकेश्वर— वज्रपर्यंक आसन यासे कृताञ्जलि मुद्रायाना
अक्षमाला व पलेस्वाँ ज्वना च्वंहा । थ्वया जः
खः श्रावकसंघ भिक्षु व महायानसंघ बोधिसत्व
उपस्थित यानातःगु दु । थुगु मूर्ति १६ गू
शदीया कलाशैली ।

७. षडक्षरी लोकेश्वर— १८ गू शदीया मूर्ति ।

८. शिवपार्वती— द्रह्या द्योने सुखासनयाना पार्वती घयपुना
च्वंहा महादेव । १८ गू शदी ।

विद्याधरी न्ह्योने दलानस च्वंफ—

१. सिंघिनी— आलीढासनयाना कर्तिपात्र व डमरू खट्वांग
ज्वना च्वंहा । १७ गू शदी, थ्वया नाप ईञ्च
२५ × १८ १/२

२. व्यांघिनी— प्रत्यालीढासनयाना सिंघिनीया ध्यान रुपथें
याना दय्कातःगु । शताब्दी, नाप ईञ्च उथें ।

३. पद्मपाणि लोकेश्वर— वरदमुद्रायाना पलेस्वाँ ज्वना अभयमुद्रा याना
च्वंहा । १८ गू शदी, १४ × १०

४. आर्यतारा- दना वरद अभयमुद्रायाना च्वंहा १८ गू शदी, नाप ईञ्च ४६×२०
५. षडक्षरी लोकेश्वर- वज्रपर्यंक आसनयासे प्यकाह्ला धारणायाना जापमा व पलेस्वां ज्वना ह्लानिपां विन्ति यानाच्चंगु । १७ गू शदी, नाप ईञ्च २६×१४
६. बालसुकी नागराज- सत्वपर्यंक आसन यासे वरद व अभयमुद्रायाना रत्न ज्वनाच्चंहा । १७ गू शदी, नाप ईञ्च ३४×१८, थ्वया ल्युनेसं प्रभाया रूपे तोरण अंकित यानातःगु । थुकी नामसंगीतिया मूर्ति-यात सर्वोपरी स्थान वियातल ।
७. अक्षोभ्य तथागत- भूमिस्पर्श मुद्रायाना वज्रासनयाना च्वंहा । १६ गू शदी, थ्वया नाप ईञ्च २८×१७
८. शालिपुत्र भिक्षु- शिलाय्कू व पिण्डपात्र धारण याना दनाच्चंहा १८ गू शदी । नाप ईञ्च ३३×१३
९. राधाकृष्ण- रुक्मिणी व सत्यभामा राधिका जःखः तथा अर्द्ध समपद आसने दना वाँसुरी पुयाच्चंहा । २० गू शदी, नाप ईञ्च २१×१७
१०. आर्यतारादेवी- अर्द्धपर्यंक आसन याना वरद व अभय मुद्रा-यानाच्चंहा काष्ठमय मूर्तिस रङ्गारोहण, याना तःह्य, न्याह्य जोगिनीया रूपे थ्याकातःह्य । छत्रशैली तारा खटेदुने तथा स्वागतपूर्वक शोभायमान याना तःगु दु ।

विजयेश्वरी विहारया दुने च्वंगु शिलाभिलेख

द्यःफले च्वंगु शिलापत्र

श्रीकवीन्द्र जयप्रतापमल्लया पर्यायस मदुत्वाया श्रीतरुमूल महाविहार
खण्डचूक वदताछेंया वज्राचार्य कुशलदेवया नेतृत्वे श्रीविद्याधरीदेवीया
स्थानस स्वदयंक चतुर्दशीसेवा सम्पूर्ण जूगु उपलक्षस चतुर्दशीसेवा खलक
श्रीकुशलदेव वज्राचार्य, शान्तदेव वज्राचार्य, जिनपार वज्राचार्य, जुग
वज्राचार्य, मुनीन्द्र वज्राचार्य एवं धर्मसिंह शाक्यभिक्षु प्रमुखँ सकलया
पुण्यचित्त उत्पत्ति जुया व श्रीविद्याधरीदेवीया अङ्गप्रत्यङ्ग जीर्ण जुयाच्वंगु
खनालि सर्वसत्त्वप्राणिपि उद्धार कामनायासे रङ्गारोहण यागु जुल ।

धयातःगु दु-थुगु रङ्गारोहण विधि सुसम्पन्न जूगु लसताय् प्यन्हूयंक
जज्ञहोमयाना विघ्नोत्सारण क्रिया सहितयासे तूर्यताडावचर पंचतालवाद्य
संयुक्तयाना, पदसाधन क्रिया समेत याना, ३६ सामरया गीति प्रवेशयाना
गणचक्रपूजा आदि जूगु जुल ।

थ्व दिन खः ने. सं. ७७१ साल माघशुक्ल पञ्चमी उत्तर भद्र
नक्षत्र बृहस्पतिवार खुन्हू ।

प्रस्तुत शिलापत्रया शिरोपरी हरिन् वज्र अंकित यानातल । थुकी
नेपाल आखलं संस्कृत व नेपालभासं च्वयातःगु जुल ।

उत्तरलङ्का शिलापत्र

जुजु श्रीनृपेन्द्रमल्लया पर्यायस कान्तिपुर श्रीशान्तिगल स्थान
योथुलाछेंया त्वामू विश्वनाथ, कल्याणसिंह, विरुद्धक, विष्णुसिंह, दामोदर,
सूर्यराम आदि ३२ ह्य जाना श्रीविद्याधरी विद्येश्वरी इष्टदेवता प्रीति
वसपोलया स्थान जिर्णोद्धार यागु जुल । लिसें सिंह निह्य व दुने
लुखाया जः खः सिधिनी व्याधिनी निह्यनं तथा शोभावृद्धि याना
विल । ने. सं. ७६७ कार्तिक कृष्ण त्रयोदशीया दिनस ।

विष्णुमति ताफुया शिलापत्र

राजा कवीन्द्रप्रतापमल्लजुं श्रीस्वयम्भू पञ्चबुद्ध व श्रीविद्याधरीदेवीयात
श्रद्धाभक्तितसे वसपोलपिंगु सेवाया निम्ति बल्लाक बांलाक ज्याच्छिक
विष्णुमतीस ताफु दय्का व्यूगु जुल । ने. सं. ७८३ ज्येष्ठशुक्ल द्वितीया
खुन्हू प्रतिष्ठाकार्य सम्पन्न यागु जुल ।

विजयेश्वरीदेगःयां फलेसं च्वंगु शिलापत्र

जुजु जयपार्थिवेन्द्रमल्लया शासनस दानपति कान्तिपुर महानगर
यतखात्वालय इतलंखुमहाविहार (अर्बुबही) या भिक्षु श्रीजिनिदेव,
थ्वया दिवंगत कलाया ज्येष्ठपुत्र भिक्षु दुक्सिंह, द्वितीयपुत्र भिक्षु
शाक्यमुनि, तृतीयपुत्र भिक्षु रत्न, चतुर्थपुत्र भिक्षु रत्नमुनिदेव, व थःह्य
तःधिह्य क्येहे फिकुनि आदि सकल परिवारया धर्मचित्त उत्पत्ति जुया व
श्रीभद्रमति, श्रीविष्णुमति, श्रीरुद्रमति संगमजुयाच्वंगु स्थान श्रीविद्येश्वरी
महाविहारया ईश्वरी श्रीविद्याधरीदेवी प्रीति नं द्रहलपा जुल-

कवीन्द्रमल्लीमोहमाः १, शुकिमाः १, ओह्या शिखःमाः १, ओह्या
हृदयफो २, लुंया फुर्रुजु १, लुंया सिह्लःफो १, केतकि स्वां फो ३,

लुतिमण्डरचतुर्दशी (बालाचह्ने) महादी मत निपु २ छोय्का सित्तपूजा
याये । श्री अक्षोभ्य तथागत १ भिक्षु १ काकाश्यादेव २ हानं लुँया
खापा, लुँया ... १, लुँया इया १। हानं श्रीविद्याधरीदेवीयात रंगाधिवासन
प्रतिष्ठा सम्पूर्णनं याना । थुकिया लागि बुसाधन याय्यात जगानं
तया । थुगु कार्यया निर्मित गुथिहार—भिक्षु श्रीजिनिदेव, श्रीतपा, भिक्षु
श्रीधन, कंसाकार हाकुदेव, कंसाकार हरता धनपतिपिगु नां न्ह्यथना
तःगु दु । थुगु कार्य सम्पन्न जूगु दिन खः ने. सं. ८०५ कार्तिक कृष्णपक्ष
द्वादशी आदित्यवार जुल ।

अनहेसंतुं च्वंगु शिलापत्र

जुजु भूपालेन्द्रमल्लया समय श्रीयम्बु सुवर्णप्रणालि महा स्थान
तँवराछेटोल इवावाहार ननि यताछेया भवानि शंखर भारोनं श्रीविद्याधरी
विहारया पूर्वलङ्गा खुसि कोसोपाखेया जुकछें जिणोद्धारयानालि सइयापा
न्यापा छुनालि साह्यारबुं छपिक चह्नेयागु जुल । थ्व बुँया आयस्तानं
गुँलाथ्व तृतीया खुन्हु छें नं पोनं ह्लोनेगु न्ह्यथना तःगु दु । ने. सं.
८१३ माघकृष्ण चतुर्दशी ।

अनसंतुं च्वंगु शिलापत्र

जुजु रणवहादुरसाहया पर्यायस कान्तिपुर किसिला छ (किलागल)
टोल विद्यापीठननि इतान्हूलछेंया राजदैवज्ञ चिन्मयानंद भारो भार्या
सहगामिनि जयलक्ष्मि थ्व निह्मतिपुनं श्रीविद्याधरीदेवी आदिनं देगल
समेतं जिणोद्धार यासे बुँ प्रीति यागु जुल । थुपि निह्मतिपुनं स्वर्गि
जुसेलि ओक्वदोटोल थंथु दुथुनिह्मछेंया दैवज्ञ हेमन्तसिंह भारोनं विचार
याय्गु, बुँया आयस्तानं दुथे बुसाधन जज्ञ याय धैगु खँ अंकित यानातल ।
ने. सं. ८१२ पौषशुक्ल अष्टमी ।

विजयेश्वर चौधरां फलेचाया शिलापत्र

श्रीविद्याधरीदेवीया सेवास दानपति वज्राचार्य थाकुसिजु, सुन्ध्र-
मानसि, गजिन्द्रजु भाजु समेत स्वह्म मिलेजुया विहारया पिनेतं दक्षिणपाखे

चउधरा फले दयका व्युगु जुल । थुगु फलेस पाठ याकेगु व बुसाधन
यायेगु समेत खँ न्ह्यथनातःगु दु ।

थुगु शिलापत्रया शिरोभाग्य उण्णीषविजयया सुन्दरमूर्ति अंकितयाना
तल, लिसे शिलापत्रया निम्नभाग्य होमयाना च्वंगु दृश्यन तयातःगु
खने दु ।

छफलेया घण्टाभिलेख

श्रीविद्याधरीदेवी प्रीतिनं ह्यकेंतालातःलया थकालि मिलहा प्रमुखं
गोविन्दसिं, जगधरपिं सम्मोहन दुन्तायाना तःगु । ने. सं. ६१७ माघशुक्ल
अष्टमी ।

मूलुखाया न्ह्योनेच्वंगु घण्टाभिलेख

ध्वाकावाहारया वज्राचार्य चिकिधिसिनं श्रीविद्याधरी देवीयात
घण्ट द्रहलपा तःगु । ने. सं. ६१८ आषाढकृष्ण ।

अशोकचिवाहायां लिक्सं च्वंगु शिलापत्र

जुजु राजेन्द्रविक्रमसाहदेवया शासनस शान्तिघट स्थान ओलाछि-
टोलया स्थापित लक्ष्मीया परिवारनं श्रीविद्याधरी जिर्णोद्धार यासे
थव अवुया नामं थुगु विहारस श्रीवज्रधातुचैत्य स्थापना यागु जुल ।
लिसें मामसिया नामं पिण्डथयगुनं चर्चा यानातःगु दु । ने, सं. ६८३
चैत्र पूर्णिमा ।

दलानकओया ताम्रपत्र

श्रीविद्याधरीया सेवाखलकया थकालि संघदास शाक्यभिक्षु प्रभृति
सम्मोहनं वसपोल परमेश्वरीयात ओहया तोरण स्वंगु समर्पण यागु ।
ने. सं. १०२४ सिपूणीस ।

भण्डारक्वथां लुखाया अंगले च्वंगु शिलापत्र

कान्तिपुर अशोकमण्डप कमलाद्धि टोलस च्वंहा श्रद्धालु तुलाधर
बाबुरत्न, ज्येष्ठपुत्र मंगलदास, द्वितीयपुत्र संघदास, तृतीयपुत्र धर्मदास,
चतुर्थपुत्र बुद्धदास सकलया धर्मचित्त जुयाव श्रीविजयेश्वरी विहारस
लोहत सिया जिर्णोद्धार याना व्यूगु । ने. सं. १०४६ चैत्रशुक्ल त्रयोदशी ।

विद्याधरीमांया सिंहासनयां स्वर्णलेख

वसपोलया भक्तजन हरिनाम गान आदि २४ मिले जुया सिजलस
लुंसिया थाँ, दुवा व तोरण समेत दयका ने. सं. १३९९ सालं प्रीति
याना तःगु ।

ताराखःया सुवर्णपत्र

विद्याधरी मांया मूलुखा लिकसं पिनेतई तःगु काष्ठमय नित्तपौः
दुगु छत्रशैली मन्दिर आर्यतारा- खटया भगिने च्वंगु लुंपौया अभिलेखं
थथे धयातःगु दुकि थ्वहे ताराखटे लुंया मकुट (गजू) दयका ने. सं.
१६२ सालं शाक्यभिक्षु लक्ष्मीपतिनं द्वहलपा तःगु ।



विद्याधरी-ध्यान

एवंकारात्समुद्भूता आःकारे संप्रतिस्थिता ।

अभयाकुलश्मशाने श्यामवर्णसुयोगतः ॥

दाडिमपुष्पवर्णाभा कोटिसूर्यसमप्रभा ।

द्विभुजैकत्रिनेत्रार्द्धप्रस्फुल्लकमलानना ॥

वज्रकर्तृकपालश्च धारितं सव्यवामयोः ।

आदिकादिसुवर्णेन सर्वाङ्गेन सुभूषितम् ॥

पञ्चमुद्रा महामुद्रा भूषितेन विराजितम् ।

आलीढासनप्रज्ञेसु खड्गपादैक चोर्द्ध्वगे ॥

वज्रवर्णनी सा देवी मुण्डशतार्द्धमालिनम् ।

एवं गुणमयं देहं विद्याधरीं विभावयेत् ॥

विद्याधरी-स्तोत्र १

प्रज्वालां समतेजाभां सूर्यकोटिसमप्रभाम् ।

वज्रकर्तृदधकायं नमोऽहं वज्रवर्णनीम् ॥

विद्याधरी जगत्माता अभयाकुलदेवता ।

रोचनी वर्णनी देवी पातु मां बुद्धडाकिनी ॥

स्तोत्र २

डाकिन्या सर्वबुद्धा सकलभयहरा व्यापिनी विश्वमाता ।

एकाश्या रक्तवर्णा त्रिनयनमुदिता खेचरी श्रेष्ठशोभा । १।

प्रज्वाला दिव्यदेहा गगनकृतपदा द्विभुजामुक्तकेशा ।

खट्वाङ्गवामपात्रा दहिनकरटिका धारिणी स्वर्गरूपा । २।

नगनाङ्गा ग्रीवमाला नरशिरसहिता भूषणी पञ्चमुद्रा ।

सत्त्वानां मार्गमोक्षा अनुत्तरवरदा ज्ञानसिद्धिप्रदाता । ३।

श्री देव्या प्राणिरक्षा कृतजगद्धिता योगिनी वज्र पूर्वा ।
 त्वत्पादा पद्मरूपा प्रणमितशिरसा पाय विद्याधरीशा ।४।
 भगवती महादेवी भवत्या शरणं ब्रजे ।
 वन्देपादाम्बुजे नित्यं भजामि तत्प्रसिदतु ।५।
 जननी सर्वबुद्धानां त्वमेव बोधिदायिनी ।
 सर्वेषां बोधिसत्त्वानां माताहितानुपालिनी ।६।
 सर्वहितार्थसंभर्त्ती सर्वपाप विशोधनी ।
 दुष्टमारगणाक्षाभ्यमहानन्दसुखप्रदा ।७।
 सद्धर्म साधनोत्साहि बलवीर्यगुणप्रदा ।
 निष्कलेशानिमित्तं ध्यानं समाधि सुखदायनी ।८।
 प्रज्ञागुणमहारत्नश्रीसमृद्धिप्रदायनी ।
 भगवत्या पदाम्भोजे शरणस्थो भजाम्यहं ।९।
 नमामि वज्रवाराही सर्वपापप्रमोचनी ।
 मारविध्वंसिनीदेवी बुद्धत्वं फलदायनी ।१०।

वज्रयोगिनी स्तुति

शून्यताकरूणात्मानं त्रैधातुकनमस्कृतं ।
 ज्वलत्कल्पाग्निवत्तेजा नमस्ते वज्रयोगिनी ।

नैरात्मा गुह्ये श्वरो स्तुति

नीलवर्णा महादेवी धर्मोदया व्यवस्थिता ।
 निर्विकल्पनिराभावै नैरात्मायै नमस्तु ते ।

वज्रवाराही स्तुति

नत्वा श्री वज्रवाराही मन्त्रमूर्ति जिनेश्वरी ।
 मारविध्वंसिनीदेवी बुद्धत्वफलदायिनी ।

श्रीविद्याधरीदेवीया चर्यागीत

राग गुंजरि । तालमाथ । द्विभुज एकमुख-

द्विभुज एकमुख रक्तवदना २
नगन मुकूटकेशा त्रिनयना । ध्रु ।
नमो देवी बुद्धडाकिनी
विश्व जननी २ त्रिभुवन व्यापित ।
जिनजान दायनी
दहिनकर वज्रि विलासित दधति २ ।
वामकरोटक चतुर्मार सेविता
तरणि मण्डलमाभे उडियान गमने २ ।
रतनपुरेवर सततं प्रविशे
श्री विद्याधरीदेवी सुरनरवंदिता २ ।
सकल ऋद्धिसिद्धि देहि मे माता । ध्रु ।

ताल अन्तमाथ । उर्द्धपाद द्वया-

उर्द्धपादद्वयाक्रांत २ स्वर्गमर्त्यमिहोज्वला ।
शतकोटि प्रभाकांत २ सूर्यमण्डले संस्थिता । ध्रु ।
विद्याधरि जगत्माता २ अभयाकुल देवता २
लोचनी वर्णिनीदेवी २ पातु मां बुद्धडाकिनी ।
वामपात्रामृतासारै २ रमर्त्यकृतमानवा
दाडिमी बीजरदना २ दाडिमी पुष्पराशिभा ।
दिवाकर निशानाथ २ वैश्वानलोज्वलेक्षणा २
मंदाकिनी तीररूह २ मंदारपुष्पमालिनी ।
सुसन सुमनोवर्गा २ भ्यरितांघ्रि सरोरूहा २
सृष्टिस्थिति विनाशानां २ विद्यात्रिगुणरूपिनी । ध्रु ।

प्यह्म जोगिनी-दाफा में

राग आशावलि । ताल जति

प्रज्ञापारमितादेवी नमस्कार याय
निरंजन स्वयम्भू दरशन लाओ । धु।
ओसया अंशनं देवी गुह्येश्वरी भाव
मञ्जुश्रिया भगतिनं दरशन याओ ।
वज्रयोगिनीदेवी ओसया अंशधाओ
मणिचूडमहाराज भगतिन दुकाओ ।
विद्याधरी निरमलतीर्थस विज्याक
अपजसपंडितन जशपदलाक ।

ओडियानं महायान दरशन बियाओ
अंश ह्यंगुस गगनजोगिनि लोओ ।
प्रज्ञारूप छलपोल उपाय सेगुदेव
निह्यसया अंशरूप लोकेश्वर खओ ।
बुद्ध धर्म संघ देव जगतया खओ
अपराध क्षमायाओ ह्लाकह्य अमृतयागु माँयाओ

राग सारंग । रूप । जय जोगिनी-

जय जोगिनी हे विद्याधरीदेवी
पंकज नयने हे वज्रहाथे करोटिनि ।
ब्रह्मा विष्णु महेश्वर देवेन्द्र वृहस्पति ।
हेरंभ महाकाल हारती हनुमान ।
दिन दिन अंबे तव पादाब्जे
प्रणति शतानि करोति करोमि ।
भक्तजनानां पूरय आशा हे

कान्तिपुर महानगरया बहीया विवरण सूची

क्र. सं.	चलतिगु नाँ	खास बहीया नाँ	प्रमुख देवता	अभिमुख
१.	स्यंगूबही	जोतिकीर्ति महाविहार	भूमिस्पर्श मुद्रा बुद्ध	पूर्व
२.	किनूबही	श्री कीर्त्तन	अक्षोभ्य तथागत	"
३.	विलासःबही	विद्येश्वरी	"	"
४.	खुसीबही	नदीसंगम	भविष्य व्याकरण मुद्रा बुद्ध	"
५.	थैबही	विक्रमशील	"	"
६.	गणबही	गगनसंगम	भूमिस्पर्श मुद्रा शाक्यमुनि	उत्तर
७.	दुगबही	षडक्षरी	षडक्षरी लोकेश्वर	पूर्व
८.	मखँबही	राजकीर्ति	भविष्य व्याकरण मुद्रा बुद्ध	पश्चिम
९.	लायकूबही	श्रीनक	भूमिस्पर्श मुद्रा बुद्ध	पूर्व

क्र. सं.	चलतिगु नाँ	खास बहीया नाँ	प्रमुख देवता	अभिमुख
१०.	नःबही	प्रद्योतकीर्ति	अक्षोभ्य तथागत	पश्चिम
११.	न्हाकँबही	कीर्तिपुण्य महाविहार	भविष्य व्याकरण मुद्रा बुद्ध	"
१२.	च्चाकँबही	"	अक्षोभ्य तथागत	पश्चिम
१३.	मरुबही	शाक्यकेतु	भविष्य व्याकरण मुद्रा बुद्ध	पूर्व
१४.	अरखुबही	इतलंखुभारावत	आर्यतारा	"
१५.	महाकाबही	"	वज्रवीर महाकाल	"
१६.	मुकुंबही	मुक्तिपुर	भविष्य व्याकरण मुद्रा बुद्ध	पूर्व

चमिया आतक पिदने धुंकुगु सकृतः—

१. नेपाल लिपि संग्रह
२. नेपाल बौद्ध विहार व ग्रन्थसूची
३. आर्यावलोकितेश्वर परिचय
४. बौद्धशिक्षा प्रथम भाग
५. बौद्धकला अनुसन्धान सूची
६. कुम्भेश्वर इतिहास
७. नेवारी वर्णपरिचय
८. नेपाल संस्कृतिया मूलुखा
९. अभिलेख प्रकाश (लिच्छविकालीन)
१०. मेडिभल नेपाल कोलोफोन्स एण्ड इन्सक्रिप्सन्
११. लिपि विकास तालिका
१२. रुद्रवर्ण महाविहार परिचय
१३. स्थिरोभव वाक्य
१४. बौद्धनाथ स्तूप इतिहास
१५. आर्य भद्रचरी (विभाषायुक्त)
१६. मयूरवर्ण महाविहार इतिहास
१७. मारिगल राजप्रासाद (मङ्गलवजार)
१८. नेपाल लिपि प्रकाश
१९. इलन्हे सम्यक्
२०. पूवो छगु अध्ययन
२१. बुद्धमूर्ति छगु अध्ययन
२२. श्री स्वयम्भू महाचैत्य
२३. आर्यनामसङ्गीति, ताराशतनाम स्तोत्र व आर्यभद्रचरी
२४. श्री विद्याधरी— विजयेश्वरी स्थान संक्षिप्त परिचय

थाकूः— संकटा प्रेस ६/५३४, टेवहाल येँ ।